



Universitätsbibliothek Paderborn

Instructio practica ...

De Horis Canonicis Juxta Rubricas Breviarii Romani ritè recitandis - In qua etiam ipsæ Rubricæ Notis brevibus illustratæ, & Martyrologij Romani nomina suis Accentibus signata continentur, Ad Faciliorem Discentium Vsvm Ac Praxin

Lohner, Tobias

Dilingæ, 1676

Tit. V. De Ferijs.

[urn:nbn:de:hbz:466:1-48333](https://nbn-resolving.org/urn:nbn:de:hbz:466:1-48333)

IX. Ad Matutinum dicuntur tres Nocturni cum Psalmis, ut in Psalterio, *i.* & leguntur novem Lectiones de Tempore.

l. Nisi sit Dominica privilegiata v.g. infra Nativitatem, Epiphaniam &c. cadens, quæ novem tantum Psalmos, ut ipsa Festa habent.

X. Quomodo autem sit ordinandum ejus Officium, insuper & de Lectionibus, Responsorii, & aliis; & quomodo initia librorum Scripturæ cum sua historia *k.* sint ponenda, habentur de singulis inferius propriæ Rubricæ.

k. Id est, Responsorii, quæ *historia* teste Gavanto *l. 5. c. 13. n. 1.* à Micrologo & Radulpho vocantur, quia profertur historiam Sacræ Scripturæ in præcedenti Lectione lectam, & secundum ordinem historiæ ordinata sunt.

TITULUS V.

DE FERIIS.

I. Officium Feriale, hoc est, Simplex de Tempore *l.* occurrenti, prout in Psalterio & Proprio de Tempore habetur, fit semper in Ferijs Adventûs, Quadragesimæ, Quatuor Temporum, Vigiliarum, & Feria secunda Rogationum *m.* quando infra hebdomadam non occurrit Festum Duplex, vel Semiduplex, vel de Octava; quia tunc de hujusmodi Festis fit commemoratio, *n.* ut dicitur in Rubrica commemorationibus. Si verò in eis occurrit Festum Simplex, de eo fit tantum commemoratio. Item per annum fit Officium de Feria illis diebus, quibus infra hebdomadam in Calendario non ponitur aliquod Festum Duplex, Semiduplex, vel Simplex, & non occurrit aliqua Octava, vel Officium S. MARIE in Sabbato, vel aliquod Festum

solemne, aut consuetum in aliqua Ecclesia celebrari, o. quamvis in Rubrica hujus Breviarij non descriptum.

L. Per quam vocem in Rubricis intelligitur dies, in quam nullum Officium de Sancto (includendo etiam Vigiliis & Octavas eorundem, & B. Virginem in Sabbato) cadit, quæ si simplici ritu celebretur, *Feria* ordinariè (quod addo propter Dominicas translata, quæ etiam simplici ritu celebrantur) appellatur; si autem semiduplici ritu, Dominica vocatur.

M. Quæ ideo *Feriæ* Majores dicuntur, eò quòd de illis semper fiat commemoratio, & omni Festo Simplici præferantur; exceptâ Vigiliâ, quæ inter *Ferías* majores non numeratur, quia, licet pariter Simplicibus præferatur, non tamen de ea semper fit commemoratio, ut in sequenti titulo patebit.

N. Nisi *Feria* privilegiata sit, id est, talis, cui omne Festum cedere debeat, qualis est *Feria* quarta Cinerum.

O. Aut Officium de Dominica aliqua translata dicendum sit.

II. Officium *Feriæ* in Adventu, Quadragesima, Quatuor Temporibus, Vigiliis, & primâ die Rogationum *p.* incipit à Matutino; in aliis verò *Feriis* per annum inde fit *q.* de *Feria*, ubi desinit Officium præcedentis diei, ita, ut si præcedenti die fuerit Duplex, vel Semiduplex, Officium *Feriæ* sequenti die incipiat à Matutino; si præcedenti die idem Festum fuerit Simplex, de *Feria* fiat à Vesperis illius præcedentis diei inclusivè. *r.* Similiter & quando in *Feria* quarta & sexta quatuor Temporum Septembris, & in *Feria* quarta Cinerum, ac in Vigiliis occurrit aliquod Festum Simplex, de quo fieri debet commemoratio, tunc præcedenti die (nisi fuerit Festum novem Lectionum) in Vesperis fit de *Feria*, ut in Psalterio, sine precibus cum oratione Dominicæ præcedentis, & cum commemoratione Festi trium Lectio-

num s in sequenti. Feria occurrentis, ut dicitur infra in Rubrica de Concurrentia. Terminatur autem Officium de Feria, subsequente Duplici vel Simpliciter ad Nonam: subsequente verò Simpliciter de quo fieri debet Officium, ad Capitulum Vesperarum, quia inde fit de Festo Simpliciter absque ulla inceptu commemoratione Feriæ. t.

P. Rogationum dies vocantur tres dies ante Festum Ascensionis, eò quòd illis diebus Ecclesia varias Processiones instituere, Deumque pro variis malis avertendis, bonis impetrandis ferventiùs rogare soleat.

Q. Intellige initium Officij de Feria.

R. Si sequenti die Feria Major aut Vigilia subsequatur, si enim alia Feria minor sequeretur, tunc non à Vesperis præcedentis, ut ait Rubrica, sed subsequenti fieret initium, et Vesperæ illæ ad subsequentem Feriam pertineant.

S. Quia, licet Simplex haberet per se jus ad primas Vesperas à Capitulo dicendas, amittit tamen illud per occursum sequenti die, ob quam non potest de eo dici Officium sequenti die, atque adeò nec primas Vesperas habere debet.

T. Si autem alia Feria Minor sequeretur, totas Vesperas primas, imò & sequenti die etiam secundas sibi vindicant, si post illam Feria Major aut Vigilia sequeretur, quia tunc harum Officium primùm à Matutino inciperet.

III. Ad Matutinum dicitur unum tantùm Matutinum cum duodecim Psalmis, secundùm ordinem Feriarum in Psalterio, ii. & tribus Lectionibus, ut in Proprio x de Tempore.

V. Psalterium vocatur illa Pars Breviarij, in qua Psalmi in Dominica & Ferijs dicendi notantur.

X. Proprium de Tempore appellatur illa Pars Breviarij, in qua Lectiones in Ferijs, & Festis Domini, ac Dominici legendæ designantur.

IV. Excipiuntur ab hoc Ordinario Officij Feriæ tres Feriæ Majores & Hebdomadæ sanctæ;

Feria Octavarum Paschæ & Pentecostes. *a.* de quibus fit Officium, ut in propriis locis ponitur.

Z. Nempe Feria quinta, sexta & Sabbatum, quæ ritu Duplici celebrantur, ideoque novem Psalmos, totidemque Lectiones habent.

A. Sed hæ exceptione opus non habuissent, cum tanquam dies infra Octavam ritu Semiduplici vel Duplici celebrentur, atque adeo inter Ferias propriè dictas, de quibus hoc loco agitur, non sint numerandæ.

V. Quomodo ordinandum sit Officium de Feria ad Matutinum, & alias Horas, item de Lectionibus & Responsoriiis, & quando dicendæ sint Preces feriales, ac de aliis, quæ ad Officium Feriæ pertinent, habentur inferius de singulis propriæ Rubricæ.

TITULUS VI.

DE VIGILIIS.

I. **D**E Vigiliis *b.* fit Officium in omnibus Vigiliis per annum, quæ jejunantur, ubi in Calendario annotatur hæc vox *Vigilia*, nisi in die Vigiliæ occurrat Festum novem Lectionum vel Octava; tunc enim in Officio novem Lectionum legitur nonna Lectio de Homilia Vigiliæ, & fit commemoratio de ea ad Laudes tantum cum Antiphona *Ad Benedictus*, & Versu Feriæ occurrentis de Psalterio, & oratione Vigiliæ, præterquam in illis Festis Majoribus, *c.* quæ inferius excipiuntur.

B. Sic vocabantur olim Profesti dies, quia Christiani de nocte in iisdem vigilare & psallere, & jejunare de die consueverant; quâ tamen vigilandi consuetudine ob graves causas sublatâ, Vigiliæ nomen cum jejunio retentum est.

C. Puta in Duplicibus primæ Classis, & Ferijs Majoribus, in quibus nulla fit commemoratio de Vigilia, nisi de Vigilia Epiphaniæ, quæ privilegiata est.

II. Si